

*Phil*



kat.komb.

59467

Mag. St. Dr.

*Ostawski Luciae Jos: Aenigmata Aristotelica seu  
Conclusiones ex universa Philosophia Aristote-  
telis.*



Antawski Incae Doct.  
Aemigmati Aristotelica per Conclusiones et un-  
versa Philosophia Aristotelis.

A  
C C  
EX  
Prasiden  
Doct.  
A  
LVCA



✠(+)✠  
In Nomine Domini, Amen.

Æ N I G M A T A  
A R I S T O T E L I C A,  
S E V  
C O N C L U S I O N E S  
E X U N I V E R S A P H I L O S O P H I A  
A R I S T O T E L I S,



Ad discutiendum,

In Alma Vniuersitate Cracouensi,

Præsidente M. PAVLO IOANNE WOIEWODZKI, Phil:  
Doct. Collegæ Maiore, Regio & Cursus WLADISLAVIANO.

A R I S T O T E L I C I  
P R O F E S S O R E.

Ad Ecclesiam COLL. SANNÆ, Canonico:

LUCIA IOSEPHO OSTAWSKI, A. A. L. L. & PHILOSOPHIÆ  
B A C C A L A V R E O,

Publicè

P R O P O S I T Æ.

Anno Dñi, M. DC. LXXXI, 12. Kalend. Februarij.




*W.*

---

C R A C O V I Æ,  
Ex Officina SCHEDELIANA S. R. M. Typograph.





D. T. O. M.

DOCTORVM GEMMÆ,  
MAGISTRORVM MAGISTRO,  
ACADEMICORVM IDEÆ  
VIRTVTVM LVCI,

ARCHIGYMNASII IAGELLONICI  
LAPIDI ANGVLARI,  
ERVDITIONIS CHRISTIANÆ ARCHIVO  
PIETATIS ORTHODOXÆ, FONTI LIMPIDISSIMO  
ALMÆ VNIVERSITATIS CRACOVIE NSI  
PATRIARCHÆ INCLITO,  
REGNI POLONIARVM, TVTELARI MAXIMO  
CONTRA BIZANTINA MONSTRA, HERCVLLI IMPER-  
TERRITO, & INVICTO,

59467 III

VERBI DIVINI, VOCI CLARISSIMÆ,

DIVO IOANNI CANTICO

In Orbe LECHICO, DIVINITVS Mirificato,

*Per Quem,*

Lechiæ in extremis panè calamitatibus gementi, ad optanda Cæli  
solatia, affatim capienda, felix nocte dieq; patet aditus,  
Ianuam Scientiarum.

CÆLESTIVM SVBLIMITATV  
CONTEMPLATORI.

*Immo*

SPLENDORVM PERENNIVM COMPREHENSOR  
Naturalis Notitiæ Theorematum stabilem possessionem.  
ANGELO TERRENA SVPERGRESSO,  
ATLANTI SARMATICO.

*Immo*

IN AVGVSTO EMPIREI DOMICILIO, ÆTERNV  
CONSISTENTI INTELLIGENTIÆ,  
Metaphisicam, omnis Materiæ expertem, limites cæterorum Hab  
tuum, gloriosè transilientem.

*Perpetuus Client, aeterno Cultu consecrat.*

M. P. I. W. I. A.



In Nomine Domini, Amen.

# CONCLUSIONES EX SCIENTIA RATIONALI.

## I.

**L**ogica est facultas verum vel falsum considerans, & diuisionem sui, in duos Habitus realiter inter se distinctos, in Docentem nimirum & Videntem, admittens; habetq; pro Obiecto Adæquato modum sciendi, vt sic; qui cum sit directius operationum intellectus, habet exinde rationem Obiecti Formalis. Rationalis tamen scientia non priuatur insigni scientiæ purè Spūculationis titulo, quamuis insuper orbetur absoluta & simplici necessitate ad comparandam aliarum scientiarum præstantiam.

## II.

**D**atur Ens rationis ab intellectu Diuino vel humano conceptibile, suum esse actuale à ratione tantum accipiens, in qua solum habet esse obiectiuè; Denominationibus tamen extrinsecis, Negationibus & Priuationibus rationem sui minimè tribuens.

## III.

**I**mperium Philosophiæ non indiuisum est, cum in suis penetralibus foueat, non modò Distinctionem vt sic: quæ est carentia identitatis inter Entia, negationem sui inuicem habentia; sed etiam Distinctionem realem, quæ versatur inter duo extrema realia: & Distinctionem Rationis, tam Ratiocinantis quam Ratiocinatæ; tum Distinctionem ex natura rei formalem, quæ est diuersitas inter plures eiusdem rei formalitates, in eadem entitate reali radicata, & identificatas sibi realiter, cum susceptione Prædicatorum contrariorum, ante opus intellectus; atq; hanc Distinctionem formalem, rectè quisque Philosophus ad Distinctionem virtualem reducere potest: nisi quæstionem de nomine velit euitare.

## IV.

**V**niuersale in essendo, quod est Ens vnum aptum inesse multis, habet suam à parte rei existentiam independentem ab omni operatione intellectus, non tamen independentem à singularibus extra quæ nullibi subsistit. Ast vniuersale in prædicando, ad hoc vt detur à parte rei, beneficium requirit à nostro intellectu faciente comparationem simplicem, ad eius constitutionem.

## V.

**C**oncreta tam substantialia quam accidentalia, possunt de alijs concretis toties prædicari, prædicatione formali, quoties abstractum vnius concreti est superius, respectu alterius concreti, de quo prædicatur,



dicatur, vel est formā illius. Abstracta verò nequeunt prædicari de  
ijs, à quibus abstrahunt hoc est de suis concretis, nec è contra de suis  
abstractis concreta, idque prædicatione formali: neque abstractum  
concreti superioris, potest prædicari de abstracto concretis inferioris,  
tam formaliter, quàm identicè: idem proinde iudicium esto de secun-  
dis intentionibus.

## VI.

**R**ecta profectò & adæquata diuisio est vniuersalis, tam Metaphysici  
quàm Logici in quinque prædicabilia, Genus nimirū, Speciem, Diffe-  
rentiam, Proprium & Accidens. Vnde arcendi sunt meritò à Peripa-  
teio Authores illi, qui plura, vel pauciora designant prædicabilia. Atque  
hæc diuisio vniuersalis vt sic, in sua inferiora, est diuisio Generis in  
suas Species.

## VII.

**C**um Genus definiatur esse id, quod prædicatur de pluribus specie  
differentibus in quid incompletè; tunc non definitur per se natura  
communis, neque genereitas, seu prædicabilitas in abstracto, sed gene-  
reitas seu intentio secunda in concreto, connotans naturam comunē  
de pluribus speciebus prædicabilem; vt autem saluetur ratio generis,  
non requiruntur ad id plures species actu existentes: quamuis possibiles  
omnino ei sint necessariæ, de quibus prædicatur vt totum potentiale.

## VIII.

**T**ribuenda est bonitas illi definitioni, quæ exprimit naturam Speciei  
prædicabilis, dicendo esse id, quod prædicatur de pluribus numero  
differentibus in quid completè; non tamen concedendum, vt quā talis  
exigat subijcibilitatem, vel per modum proprietatis, vel per modum  
prædicati essentialis. Ast illud admittendum saltem probabiliter, quòd  
omnes species diuersæ, sint inæqualis perfectionis.

## IX.

**I**ndividuum Metaphysicum, seu primò intentionaliter sumptum, bene  
describitur, quod ex se non potest inexistere pluribus, in quibus nu-  
merari atque diuidi possit, & quorum quodlibet sit ipsum. Vnde ab  
omnibus indiuiduis, non potest abstrahi aliqua ratio communis quæ sit  
singularis & prædicabilis, de omnibus singularibus realiter spectatis.  
Nec vitiosa censenda illa definitio Indiuidui Logici, seu secundò inten-  
tionaliter considerati, per quam dicitur esse illud, quod de vno solo  
prædicari potest.

## X.

**S**i quis autem de principio Indiuiduationis inquirat, illud nec quan-  
tatem, vel aliud accidens: nec collectionem accidentium: nec exi-  
stentiam: nec materiam absolutè sumptam: aut signatam quantitate:  
nec formam substantialem, aut formam & materiam simul esse sciat;  
sed singularitatem, seu hæcceitatem, ad quam sequitur negatio com-  
municata-



unicabilitatis: imò nouerit etiam nulla accidentia indiuiduari à suis subiectis.

### XI.

**D**efinitio differentiae secundò intentionaliter sumptæ, per quàm dicitur esse illud, quod de pluribus differentibus specie in quale quid prædicari potest, censenda est bona. Diuisio autem illius vt sic considerata, in Communem, Propriam, & Propriissimam, pro adæquata, & pro diuisione analogi in sua analogata acceptanda. Cuius ratio in esse tertij prædicabilis constituitur, per ordinem ad inferiora speciei.

### XII.

**P**roprium quarto modo sumptum adeo efficax est, vt illud solum constituat quartum prædicabile: definiturq; primò intentionaliter, esse id, quod accidit soli alicui speciei, & omni ac semper. Secundò intentionaliter sic: est illud, quod prædicari potest de pluribus in quale accidentale conuertibiliter necessario. Constituitur autem in esse vniuersalis per ordinem ad inferiora speciei illius, à qua immediatè emanat: estq; adeò suo coniunctum subiecto; vt nec de potentia absoluta, possit ab eo diuelli & ad permanentiam mutuam conseruari.

### XIII.

**A**ccidenti tam primò quàm secundò intentionaliter sumpto, bene congruit descriptio illa, quâ dicitur; Accidens esse id, quod potest abesse & adesse præter subiecti corruptionem. In esse verò quinti Prædicabilis, non constituitur per ordinem ad sua inferiora, sed per ordinem ad illa subiecta, de quibus contingenter prædicatur.

### XIV.

**I**nter decem Prædicamenta Entis finiti vt sic, Substantia ex eo Principatum tenere debet, quòd sit Ens reale completum, per se existens. Vnde ratio formalis constitutiua eiusdem, est perfectitas, quæ gloriatur se esse quid posituum, ad quod sequitur ineptitudo ad inhærendum. Illud verò minimè sibi attribuere potest, quòd diuisio eius in primam & secundam sit vera, & propria.

### XV.

**A**ccidens Prædicamentale rectam, sortitur definitionem, quâ dicitur esse Ens aptum natum inhære subiecto. De cuius essentia describitur inhærentia aptitudinalis, cum ad summum solùm sit proprietas eius. Hoc accidens adeò Cælitus fortunatum est, vt idem numero, possit de potentia absoluta poni simul in diuersis subiectis.

### XVI.

**Q**uantitas rationem formalem sui constituens in extensione partium, ad quam sequitur aptitudo & exigentia connaturalis, expellendi se inuicem, & alias res ab eodem loco: quæ aptitudo communiter impetrabi-



netrabilitas naturalis dicitur : distinguitur realiter à substantia, habetq; trinam speciem veram, nimirum Lineam, Superficiem & Corpus. Hac tamen præstantior, quia perfectior est Qualitas, in quatuor species vniuersales à Philosopho diuisa, ad quas omnes aliæ reducibiles sunt.

### XVII.

**N**obilior Peripateticorū cærus, dari à parte rei suadet Relationes reales independentes ab omni operatione intellectus : quæ sunt formæ quædam accidentales, à fundamento distinctæ, & ad sui constitutionem realem, exigentes quatuor conditiones, nimirum subiectum reale, rationem fundandi realem, terminum realem existentemq; realiter, atq; distinctionem realem fundamenti & termini : quæq; his conditionibus ditata ad multiplicationem terminorum, qui possunt esse sine se inuicem, multiplicantur, terminanturq; ad absolutum, adedò insignem exercendo munificentiam, vt vna fundet aliam. Iam verò sex vltima prædicamenta sunt relationes, non intrinsec<sup>o</sup> vt Prædicamentales, verum extrinsecus aduenientes.

### XVIII.

**P**ropositio quæ modò est vera, eadem potest esse falsa, in hoc ipso instanti, in quo est vera : vnde veritas & falsitas sunt accidentalia, non essentialia Propositioni, aut Proprietates illius. Ex Propositionibus contradictorijs de futuro contingenti, vna est determinatè vera, & altera determinatè falsa. Intellectus noster necessitatur ad assensum Conclusionis, necessitate tam specificationis quàm exercitij, admissio, quòd assensum præbuerit Propositionibus præmissis, & quòd iudicauerit eas esse bene dispositas, in modo & figura.

### XIX.


**D**emonstratio vt sic adæquatè diuiditur, in Demonstrationem propter Quid, & in Demonstrationem Quia. Atq; vtraq; harum generat scientiam, cuius actus, & opinionis, naturaliter non possunt esse simul in eodem intellectu, de eodem subiecto : bene tamen id fieri potest, de potentia absoluta.



CON.



naberq;  
. Hac  
es vni  
unt.



# CONCLUSIONES EX SCIENTIA NATURALI.

## I.

**P**hysicæ Obiectum Adæquatum est substantia corporea completa: quod si quispiam voluerit assignare Ens mobile, vel naturale; aut substantiam mobilem, vel naturalem, is de voce quæstionem instituet. Atque prædicta substantia principia constitutiua sui habet, in facto esse duo: in fieri verò tria, è quorum Principiorum numero, materia prima, non est ita pura potentia, quin includat actum entitatum & actum Metaphysicum: attamen sine aliqua forma substantiali Physica, nequit existere naturaliter, quamuis possit supernaturaliter.

## II.

**F**ormæ substantiales è materia educibiles, præexistunt in illa virtualiter, quarum duæ sibi non subordinatæ, nequeunt simul esse naturaliter, in eadem materia: oppositum nihilominus absoluta potentia efficere valet; imò & vnã formam, ad duplicem materiam actuandam determinare. Vnio inter materiam & formam, est respectus extrinsecus adueniens, & non modus absolutus substantialis, aut accidentalis. Totum substantiale Physicum distinguitur realiter à suis partibus simul sumptis & vnitis.

## III.

**C**AUSA Physica vt sic ( quæ definitur esse id, quod per se positiuè influit esse, in aliud, ex natura sua intrinseca, contingens & cum imperfectione dependens ab illo, quod sibi communicat suum esse ) adæquatè & vniocè diuiditur, in Materialem, Formalem, Efficientem & Finalem; **D**EVS Præpotens nequit omnino supplere causalitatem, causæ Materialis & Formalis intrinsecè, respectu totius compositi Physici.

## IV.

**C**VM omnis substantia producat immediatè aliam, ideo nullum accidens immediatè attingit productionem substantiæ; **D**EVS autem Gloriosus concurrat immediatè, cum causis secundis, ad effectus illarū, non tamen eas præmouet per superadditam qualitatem Physicam. In causis creatis admittenda est potentia obedientialis passiuã, ad quamlibet formam, non dicentem essentialem & actualem dependentiam, ad subiectū determinatum; secus de potentia obedientiali actiuã discurrendum, quæ solū in quibusdam datur, ad quosdam effectus.

## V.

**V**NUS idemq; effectus non potest simul & semel, tam naturaliter, quàm supernaturaliter dependere, à pluribus Causis adæquatis; neq; idem potest seipsum efficienter producere, neque Causæ Efficientes possunt sibi

N.



sibi inuicem esse Causæ, vt vna dependeat ab altera, in genere Causæ Efficientis; Agens creatum etiam immediatè agit in distans.

V I.

**M**otus qui ab agente, mobili, & termino distinguitur realiter, suam distinctionem specificam desumit, à distinctione specifica terminorum, ad Quos & à Quibus; Datur ad substantiam, Quantitatē & Qualitatem. Motus proiectorum, prouenit à qualitate proiectis impressa, tanquam à principio Quo, & ab ipsis proiectis, tanquam à principio Quod. In vacuo deinde supernaturaliter admissio, potest dari, vsq; localis, tam à se, quàm ab alio.

V II.

**P**lurium substantiarum, quæ se naturaliter ab eodem loco expellunt, vnus idemq; locus simul & semel, per absolutam potentiam, potest esse capax: pariter idem corpus potest esse simul in pluribus locis, tam circumscriptiuè quàm definitiuè; fieri tamen non potest naturaliter, vt aliqua forma absoluta sit in replicato corpore in vno loco, que non sit in eodem, in quocunq; alio loco. Ast formæ repugnantes sibi, ab eodem corpore, in eodem loco, remouendæ sunt.

V III.

**I**n finitum Syncategorematicum in magnitudine, in intensione & in numero, non repugnat naturaliter à parte rei, esto Categorematicum non nisi Diuinâ virtute possit dari. Creatura tamen infinitæ perfectionis, vt existere in rerum natura, ita admitti in Peripateum, nullatenus potest ac debet.

V IX.

**P**lures partes in continuo existere actu, quæ ante omnem designationem, per quodcunq; extrinsecum factam, distinguuntur realiter, vt indubitatum apud Philosophum est, ita certum debet esse, apud eius Discipulos, illud non componi ex puris & solis indiuisibilibus, quamuis hæc in illo positiuè & actu reperiantur.

V X.

**D**ivratio quæ adæquatè diuiditur in æternitatem, æuum & tempus: secundum id, quod positiuum & reale dicit à parte rei, est existentia rei durantis, non tamen dicit actualem existentiam rei ad tempus, neque rationem mensuræ; aut respectum formalem permanentiæ.

V XI.

**M**undum non fuisse productum ab æterno, verum in tempore, tenendum est omnino, nihilominus negandum non est, potuisse eum produci ab æterno, quoad res permanentes: qui etiam in tempore nequit naturaliter perire, tam quoad Cælestia, quàm quoad sublunaria corpora, adeoq; durabit in æternum: nec tamen is, vel ideo floridus videri debet immemoribus Cœlestium, quod affirmetur creatus esse, à Deo Benedicto, tempore Verbo.

V XII.



## XII.

**C**ælum etsi non sit vnum ex Elementis, neq; compositum ex iisdem, non tamen censendum est corpus simplex, cum ad sui constitutionem admittat materiam, quæ eandem rationem sortitur cum materia sublunarium; est tamen incorruptibile connaturaliter, solidum & inanimatum, decem Orbes & vndecimum quadratum Empyreum habens, Stellas verò planè innumerabiles, concurrentes ad complexionem humanam. Orbes Cælestes non mouentur à seipsis: nec agunt per motum tanquam per virtutem actiuam, in hæc inferiora, inter quæ si numeratur intellectus noster & voluntas, tunc in illum, & in hanc non influunt directè; vnde Astrologi nullo modo possunt, successus futuros contingentes, & casus fortuitos, aut actiones ex voluntate humana pendentis prænoscere, atq; prædicere.

## XIII.

**M**eteororum causa materialis proxima, est vapor & exhalatio: causa verò efficiens, est Sol & alia astra calida & calefactiua: inter quæ prodigiales & ominosi Cometæ numerantur, interitum vel mutationem Regnis, periculum, vel obitum Regibus & Principibus, famem & pestilentiam populo, prænuuntiantes, non fallaci obseruatione.

## XIV.

**G**eneratio substantialis, quæ est mutatio alicuius, ad formam substantialem, cum qua facit vnum per se corpus substantiale: pro subiecto in ratione mutationis habet materiam, vel aliud compar: in ratione verò productionis ipsum generantem: Ast pro termino à Quo, habet priuationem & formam præcedentem destructam. Deinde pro termino ad Quem, habet totum compositum includens singularitatem. Insuper pro termino Quo, Formam compositi.

## XV.

**I**ntensio qualitatis, non fit per additionem nouæ entitatis, destructæ priori entitate qualitatis: nec per minorem admixtionem contrarij: nec per communicationem existentie perfectioris, destructæ imperfectiori existentie; nec per maiorem radicationem eiusdem qualitatis in subiecto: nec per additionem noui modi, qui præbeat formæ maiorem explicationem in subiecto, tollendo confusionem & potentialitatem eius, reducendoq; illam, ad maiorem vnitatem: nec insuper per communicationem maioris actualitatis: sed fit per additionem gradus ad gradum.

## XVI.

**G**rauitate errant ij, qui tres animas distinctas, in homine constituunt, cum vna rationalis sufficiat, illaq; sola indiuisibilis; & indistincta realiter ab intellectu & voluntate; quod similiter tenendum de quauis alia



dicitur ratio per se primò conueniens re<sup>is</sup>, intrinsecè ipsam constituens, & à qua omnes eius proprietates emanant. Existencia verò dicitur id, ratione cuius formaliter constituitur res, extra suas causas, & extra nihil.

## VI.

**S**ubsistentia in creatis, nihil addit positium, sed duplicem negationem, actualis nimirum & aptitudinalis communicationis alteri, vt Quod, & vt Quo. Et sanè definita in hunc modum subsistentia, non solum toti composito Physico, sed etiam partibus integralibus homogeneis conuenit, quæ ab inuicem separata, sunt Entia completa & per se. Ast de partibus Essentialibus Physicis, & partibus heterogeneis, secus est statuendum.

## VII.

**C**reaturæ quemadmodum nullū esse simpliciter, & absolutè habuerunt ab æterno: ita nec vllum esse diminutum medium, inter Ens Reale, & Ens Rationis, nisi ipsum esse cognitum, in omnia mente Dei Præpotentis Maximi; Cui ab omnibus creaturis, laus perennis esto, atque veneratio indeficiens, totam per æternitatem,



*Permissu Magnifici Domini*

**R E C T O R I S.**





uens,  
citur  
& ex-

atio-  
i, ve  
non  
mo-  
a &  
oge-

oue-  
Ens  
Dei  
s



stdr0023615

Biblioteka Jagiellońska



